

(“Službene novine BPK Goražde” broj: 15/19)

Na osnovu poglavlja IV. odjeljak A. člana 23. tačka b) Ustava Bosansko-podrinjskog kantona Goražde («Službene novine Bosansko-podrinjskog kantona Goražde» broj: 8/98, 10/00 i 5/03), Zakona o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07, 9/10 i 90/17) i člana 5. stav (2), člana 9. stav (2), člana 10. st. (2) i (3), člana 14. stav (4), člana 20., člana 32. stav (1) i člana 34. i 42. Zakona o pravima demobiliziranih branilaca i članova njihovih porodica (“Službene novine Federacije BiH“, broj 54/19) Skupština Bosansko-podrinjskog kantona Goražde, na sjednici održanoj 24. decembra 2019. godine, d o n o s i

## **ZAKON O IZMJENAMA I DOPUNAMA ZAKONA O DOPUNSKIM PRAVIMA BRANILACA I ČLANOVA NJIHOVIH PORODICA U BOSANSKO-PODRINJSKOM KANTONU GORAŽDE**

### **Član 1.**

U Zakonu o dopunskim pravima branilaca i članova njihovih porodica u BPK Goražde (“Sl. novine BPK Goražde” broj: 9/13 i 11/14), član 1. mijenja se i glasi:

*“Ovim Zakonom uređuju se prava, uslovi i postupak za ostvarivanje prava, korištenje i prestanak prava, sredstva za finansiranje prava, kao i druga pitanja od značaja za ostvarivanje prava članova porodica šehida, članova porodica poginulih, umrlih i nestalih branilaca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, branioca, demobiliziranih branioca i članova njihovih porodica, članova porodica umrlih demobiliziranih branilaca, dobrovoljaca, organizatora otpora, veterana i ratnih vojnih zarobljenika, kao lica zaslužnih u odbrambeno-oslobodilačkom ratu sa područja Bosansko-podrinjskog kantona Goražde ( u daljnjem tekstu: Kanton), kao i mirnodopskih vojnih invalida, a u skladu sa raspoloživim budžetskim sredstvima, s tim što sredstva za ostvarivanje prava utvrđena ovim Zakonom ne mogu biti manja od 5% izvršenja Budžeta Bosansko-podrinjskog kantona Goražde u predhodnoj godini.*

*Odredbe ovog Zakona se primjenjuju i na lica iz stava 1. ovog člana, koja nemaju prebivalište odnosno boravište na području Kantona, a ostvarila su povratak u Republiku Srpsku u općinama: Foča, Čajniče, Rudo, Višegrad, Rogatica, Pale i Novo Goražde, s tim da su na dan potpisivanja “Općeg okvirnog sporazuma za mir u BiH”(14.12.1995.g.), imala boravište na području Kantona.*

*Lica iz stava 1. i 2. ovog člana, prava po ovom Zakonu ostvaruju kao dopunska uz prava koja su za braniocima i članove njihovih porodica utvrđena Zakonom o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07, 9/10 i 90/17) ( u daljnjem tekstu: **Federalni zakon**), Zakonom o posebnim pravima dobitnika ratnih priznanja i odlikovanja i članova njihovih porodica (“Službene novine Federacije BiH”, br. 70/05, 61/06, 9/10 i 90/17), Zakonom o pravima demobiliziranih branilaca i članova njihovih porodica (“Službene novine Federacije BiH“, broj 54/19), Odlukom o posebnim pravima nositelja “Partizanske spomenice 1941” i članova njihovih porodica (“Službene novine Federacije BiH”, broj 6/06), Zakonom o osnovnim pravima vojnih invalida i porodica palih boraca (“Službeni list Republike Bosne i Hercegovine” , br. 2/92, 6/94 i 13/94) i Zakonom o zaštiti boraca narodnooslobodilačkog rata (“Službeni list Bosne i Hercegovine”, broj 35/90)”.*

## Član 2.

Član 2. mijenja se i glasi:

*“U skladu sa odredbama Federalnog zakona, zakona i drugih propisa iz člana 1. ovog Zakona i drugih zakona pri realizaciji prava i pogodnosti utvrđenih ovim Zakonom i drugim propisima na području Kantona, koriste se slijedeći pojmovi i definicije:*

- 1. Braniocima, u smislu ovog Zakona smatraju se pripadnici Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova (u daljnjem tekstu: Oružane snage), a koji su učestvovali u odbrani suvereniteta i cjelovitosti Bosne i Hercegovine (početak agresije na općinu Ravno), od 18.09.1991. do 23.12.1996. godine, odnosno do prestanka neposredne ratne opasnosti i koji su demobilizirani rješenjem nadležnog vojnog organa, kao i lice koje je učestvovalo u pripremi za odbranu i u odbrani Bosne i Hercegovine;*
- 2. Demobiliziranim braniocem, u smislu ovog Zakona, smatra se pripadnik Oružanih snaga, koji je učestvovao u pripremama za odbranu ili u odbrani Bosne i Hercegovine u periodu od 18.09.1991. do 22.04.1996. godine minimalno godinu dana, pod uvjetom da ne postoje okolnosti iz člana 36. Federalnog zakona;*
- 3. Dobrovoljcem, smatra se pripadnik vojnih jedinica koji je učestvovao u pripremi za odbranu i u odbrani Bosne i Hercegovine u periodu od 18.09.1991. do 09.04.1992. godine, kao i drugo lice koje nije bilo vojni obaveznik u vrijeme dobrovoljnog stupanja u Oružane snage i ostalo neprekidno u jedinicama do kraja rata ili je ranije demobilizirano od nadležnog vojnog organa;*
- 4. Organizatorom otpora, smatra se lice koje je organizovalo i rukovalo u pripremi za odbranu i u odbrani Bosne i Hercegovine, najmanje 100 dana, u periodu od 18.09.1991. do 09.04.1992. godine, i uz to bilo pripadnik Oružanih snaga ili državnih organa ili institucija vezanih za odbranu Bosne i Hercegovine najmanje dvije godine, a čiji je status potvrđen od strane Federalnog ministarstva za pitanja boraca i invalida odbrambeno-oslobodilačkog rata;*
- 5. Veteranom, smatra se lice koje je stupilo u jedinice iz stava 1. ovog člana od 18.09.1991. do 31.12.1992. godine, i ostalo neprekidno do 23.12.1995. godine, ili ranije demobilizirano od nadležnog vojnog organa;*
- 6. Član porodice šehida, poginulog, umrlog, nestalog branitelja i umrlog ratnog vojnog invalida, je korisnik prava na porodičnu invalidninu, na osnovu konačnog rješenja nadležnog organa, izdatog u skladu sa važećim federalnim propisima iz oblasti boračko-invalidske zaštite;*
- 7. Dijete šehida, poginulog, umrlog, nestalog branitelja bez oba roditelja, u smislu ovog Zakona, je član porodice šehida poginulog, umrlog, nestalog branitelja, koje je u vrijeme gubitka oba roditelja bilo mlađe od 15 godina života kao i iza navršene 15. godine života, ukoliko se nalazilo na redovnom školovanju, a najkasnije do navršene 25. godine života, odnosno, koje je nesposobno za privređivanje, ukoliko je nesposobnost za privređivanje nastupila prije navršene 15. godine života, odnosno, 25. godine ukoliko se nalazilo na redovnom školovanju;*
- 8. Ratni vojni invalid, u smislu ovog Zakona, je branilac kojem je to svojstvo utvrđeno rješenjem nadležnog organa, izdatog u skladu sa važećim federalnim propisima iz oblasti boračko-invalidske zaštite, a na osnovu zadobijene rane, povrede, bolesti ili pogoršanja bolesti, usljed čega je nastupilo oštećenje njegovog organizma najmanje za 20%;*

9. *Djetetom ratnog vojnog invalida/demobiliziranog branioca/ mirnodopskog vojnog invalida, u smislu ovog Zakona, smatra se dijete rođeno u braku/van braka, pastorče ili usvojeno dijete, mlađe od 15 godina života kao i iza navršene 15. godine života, ukoliko se nalazi na redovnom školovanju, a najkasnije do navršene 25. godine života, odnosno, koje je nesposobno za privređivanje, ukoliko je nesposobnost za privređivanje nastupila prije navršene 15. godine života, odnosno 25. godine ukoliko se nalazilo na redovnom školovanju, koje ratni vojni invalid/demobilizirani branilac/mirnodopski vojni invalid izdržava, odnosno koje je izdržavao do momenta smrti, ukoliko je riječ o umrlom ratnom vojnom invalidu/demobiliziranom braniocu/mirnodopskom vojnom invalidu;*
10. *Dobitnik ratnog priznanja i odlikovanja i član uže porodice poginulog, umrlog ili nestalog dobitnika ratnog priznanja i odlikovanja, u smislu ovog Zakona, je korisnik prava na mjesečni novčani dodatak, na osnovu konačnog rješenja nadležnog organa, u skladu sa odredbama Zakona o posebnim pravima dobitnika ratnih priznanja i odlikovanja i članova njihovih porodica;*
11. *Mirnodopski vojni invalid, u smislu ovog Zakona, je lice koje je u miru bez namjere, vršeći vojnu dužnost, zadobilo ranu ili povredu, pa je zbog toga nastupilo oštećenje njegovog organizma najmanje za 20%, odnosno kod kojeg je usljed bolesti ili pogoršanja bolesti nastupilo oštećenje njegovog organizma najmanje za 60% u periodu od 24.12.1996. godine do 01.01.2006. godine, i to: vojno lice na služenju obaveznog vojnog roka, pitomac u vojnoj školi, pripadnik rezervnog sastava za vrijeme vojne dužnosti;*
12. *Nosilac "Partizanske spomenice 1941" i član uže porodice poginulog ili umrlog nosioca "Partizanske spomenice 1941", u smislu ovog Zakona, je korisnik prava na mjesečni novčani dodatak, na osnovu konačnog rješenja nadležnog organa, u skladu sa odredbama Odluke o posebnim pravima nosilaca "Partizanske spomenice 1941" i članova njihovih porodica, pod uslovom da je u periodu 18.9.1991. godine do 23.12.1996. godine, boravio na području Kantona;*
13. *Braniocem narodnooslobodilačkog antifašističkog rata od 1941. do 1945. godine, u smislu ovog Zakona, smatra se lice kome je taj status priznat Zakonom o zaštiti boraca narodnooslobodilačkog rata i čija su prava po tom osnovu utvrđena rješenjem nadležnog organa;*
14. *Mirnodopskim vojnim invalidom, koji je svoje pravo stekao do 6.4.1992. godine, u smislu ovog Zakona, smatra se lice, kome je taj status priznat Zakonom o osnovnim pravima vojnih invalida i porodica palih boraca i čija su prava po tom osnovu utvrđena rješenjem nadležnog organa;*
15. *Član uže porodice ratnog/mirnodopskog vojnog invalida, branioca, umrlog ratnog/mirnodopskog vojnog invalida i umrlog branioca, u smislu ovog Zakona, je bračni partner, vanbračni partner u smislu člana 3. Porodičnog zakona Federacije Bosne i Hercegovine («Službene novine Federacije Bosne i Hercegovine», broj 35/05), djeca rođena u braku i van braka, usvojena djeca i pastorčad;*
16. *Članovi porodice demobiliziranog branioca, u smislu ovog Zakona, su roditelji, bračni partner i djeca koja žive u zajedničkom domaćinstvu sa demobiliziranim braniocem do navršene 25 godine života;*
17. *Ratnim vojnim zarobljenikom smatra se branilac koji je vršeći vojnu dužnost zarobljen od strane agresora na Republiku Bosnu i Hercegovinu;*
18. *Pod pojmom zajedničko domaćinstvo smatra se zajednica stanovanja, privređivanja i trošenja ostvarenih prihoda."*

### Član 3.

Član 3. mijenja se i glasi:

*„Prava po ovom Zakonu mogu ostvariti branioci koji su po definiciji iz člana 2. ovog Zakona proveli u Oružanim snagama najmanje godinu dana“.*

### Član 4.

Član 4. mijenja se i glasi:

*„Pojmovi utvrđeni u predhodnom članu i svim ostalim odredbama Zakona gdje se spominju u različitim padežima zamjenjuju se riječima u odgovarajućem padežu.  
Sve imenice koje se odnose na nosioce pojedinih prava, upotrebljene u ovom Zakonu samo u muškom ili samo u ženskom rodu, odnose se na oba spola“.*

### Član 5.

Član 5. se briše.

### Član 6.

U članu 6. stav 1. riječi *“člana 2.”* zamjenjuje se riječima *“člana 1.”*

U članu 6. stav 1. tačka 6. mijenja se i glasi:

*“6. Pravo na duži godišnji odmor po osnovu učešća u Oružanim snagama”*

U članu 6. stav 1. tačka 11. mijenja se i glasi:

*“11. Prednost pri smještaju u penzionerske domove i gerontološke centre”*

U članu 6. stav 1. tačka 29. mijenja se i glasi:

*“29. Novčana egzistencijalna naknada”*

### Član 7.

U članu 7. stav 1. iza broja *„48/11“* dodaju se riječi i broj *„i 36/18“*, a ispred broja *„48/11“*, veznik: *„i“* briše se.

U članu 7. stav 3. mijenja se i glasi:

*„Lica iz člana 1. ovog Zakona i članovi njihovih porodica, povratnici u Republiku Srpsku, imaju pravo na zdravstvenu zaštitu u skladu sa Odlukom Vlade Federacije BiH o ostvarivanju prava iz bolničke zdravstvene zaštite za povratnike iz Federacije BiH u RS u zdravstvenim ustanovama Federacije BiH („Sl. novine Federacije BiH“ broj: 84/14 i 36/15) i Sporazumom o načinu i postupku korištenja zdravstvene zaštite osiguranih lica na teritoriji Bosne i Hercegovine, van područja entiteta, odnosno Distrikta Brčko kome osigurana lica pripadaju (“Službene novine Federacije BiH”, broj: 41/01, 7/02 i 14/17), a ukoliko ne mogu pravo ostvariti prema Sporazumu, imaju pravo na obavezan vid zdravstvene zaštite u najbližoj općini u Federaciji, ukoliko to pravo ne mogu koristiti u zdravstvenoj ustanovi u mjestu svog prebivališta“.*

## **Član 8.**

U članu 8. riječi „člana 2.“ zamjenjuje se riječima „člana 1.“

U članu 8. dodaje se stav 2. koji glasi:

*„Lica iz člana 1. ovog Zakona kojima je dijagnosticiran PTSP mogu ostvariti pravo na besplatne lijekove za liječenje od PTSP-a, u skladu sa pozitivnim propisima u oblasti zdravstvenog osiguranja“.*

## **Član 9.**

U članu 10. Iza riječi „invalide“ dodaju se riječi „i demobilizirane branioce“, ostali dio teksta ostaje isti.

U članu 10. stav 2. riječi „člana 2.“ zamjenjuje se riječima „člana 1.“

## **Član 10.**

U članu 11. riječi „člana 2.“ zamjenjuju se riječima „člana 1.“

U članu 11. dodaje se stav 2. i 3. koji glasi:

*„Lica iz člana 1. mogu ostvariti pravo na jednokratnu novčanu pomoć za plaćanje troškova liječenja.“*

*Uslove i način ostvarivanja prava na zdravstvenu zaštitu utvrđuje Ministar za boračka pitanja, uz saglasnost Vlade Kantona posebnim propisom“.*

## **Član 11.**

Iza člana 11. podtačka „1.1.“ i članovi od „12.-19.“ se brišu

Iza člana 11. dodaju se novi članovi „11.a) i 11.b)“ koji glase:

### **„Član 11.a)**

*Lica iz člana 1. ovog Zakona imaju prednost pri ostvarivanju zdravstvenih usluga u zdravstvenim ustanovama, uključujući sve vrste dijagnostike (CT, MR i ostale laboratorijske pretrage).*

*Nadležne ustanove iz oblasti zdravstva dužne su u roku od 30 dana od dana stupanja na snagu ovog Zakona na vidnom mjestu istaći obavijest da lica iz člana 1. ovog Zakona imaju prednost za pružanje usluga.*

### **Član 11.b)**

*Lica iz člana 1. ovog Zakona mogu ostvariti pravo na troškove prijevoza radi liječenja u drugom kantonu u visini povratne autobusne karte, o čemu rješenje donosi nadležna općinska služba za boračko-invalidsku zaštitu po mjestu prebivališta, odnosno Odjeljenje za branilačko-invalidsku zaštitu prema mjestu prebivališta lica iz člana 1. ovog Zakona.*

*Novčana sredstva za finansiranje prava iz stava 1. ovog člana će se obezbjediti u budžetu općine po mjestu prebivališta lica iz stava 1. ovog Zakona u skladu sa mogućnostima.*

*Liječenje u drugom kantonu za lica iz stava 1. ovog člana provodiće se u skladu sa Sporazumom o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada („Službene novine Federacije BiH“ broj: 41/01, 7/02 i 14/17)“.*

#### **Član 12.**

U članu 20., 21. i 22. riječi „člana 2.“ zamjenjuje se riječima „člana 1.“  
U članu 22. stav 1. u posljednjem redu broj „13.“ zamjenjuje se brojem „21.“

U članu 22. dodaje se novi stav 3. koji glasi:

*„Način, uslove i kriterije za ostvarivanje prava na banjsko-klimatsko liječenje propisuje Ministar za boračka pitanja, uz saglasnost Vlade Kantona posebnim Pravilnikom“.*

#### **Član 13.**

Iza člana 22. podtačka „2.1.“ i članovi od „23.-34.“ se brišu.

#### **Član 14.**

U članu 42. iza stava 1. dodaje se stav 2. i glasi:

*„Uslove, način i kriterije po osnovu preostale radne sposobnosti utvrđuje Ministar za boračka pitanja posebnim Pravilnikom“.*

#### **Član 15.**

Iza člana 42. podtačka „4.1.“ i članovi od „43.- 51.“ se brišu.

#### **Član 16.**

U članu 52. iza riječi Ministarstvo riječi „u punom iznosu „ zamjenjuju se riječima „u skladu sa mogućnostima“

#### **Član 17.**

U članu 54. stav 1. brojevi „53. i 54.“ zamjenjuju se brojevima „52. i 53.“

U članu 54. dodaje se novi stav 2. i glasi:

*„Uslove, način i kriterije za participaciju troškova za nabavku lijekova utvrđuje Ministar, uz saglasnost Vlade Kantona posebnim propisom“.*

#### **Član 18.**

Iza člana 54. podtačka „5.1.“ i članovi od „55. do 63“ se brišu

## Član 19.

U poglavlju II naziv tačke " 6. " mijenja se i glasi:

*„6.Pravo na duži godišnji odmor po osnovu učešća u Oružanim snagama“*

## Član 20.

Član 64. mijenja se i glasi:

*„Lica iz člana 1. ovog Zakona koja su u radnom odnosu mogu ostvariti pravo na uvećanje godišnjeg odmora po osnovu učešća u Oružanim snagama.*

*Uvećanje godišnjeg odmora za lica iz stava 1. ovog člana se određuje na slijedeći način:*

*Učešće u odbrambeno-oslobodilačkom/domovinskom ratu 12 - 18 mjeseci - iznosi 1 dan*

*Učešće u odbrambeno-oslobodilačkom/domovinskom ratu 18 - 30 mjeseci - iznosi 2 dana*

*Učešće u odbrambeno-oslobodilačkom/domovinskom ratu više od 30 mjeseci - iznosi 3 dana*

*Izuzetno od odredbi iz predhodnog stava ovog člana ratnim vojnim invalidima i članovima porodica šehida/poginulih boraca priznaje se puno učešće bez obzira na vrijeme provedeno u sastavu Oružanih snaga.*

*Svi poslodavci su dužni u roku od 90 dana od dana stupanja na snagu ovog Zakona u svojim pravilnicima odnosno statutima, propisati način, uslove i postupak ostvarivanja prava iz stava 1. ovog člana“.*

## Član 21.

U članu 65. stav 1. mijenja se i glasi:

*“ Nezaposlena lica iz člana 1. i 2. ovog Zakona, koja su na evidenciji Službe za zapošljavanje, ostvaruju prioritet pri zapošljavanju pod jednakim uslovima, ukoliko ispunjavaju opće i posebne uslove za radno mjesto na koje se vrši zapošljavanje, a shodno propisima iz oblasti radnog zakonodavstva. Ovo pravo ostvaruje se slijedećim rasporedom:*

*a) dijete poginulog, umrlog, nestalog branioca bez oba roditelja;*

*b) dijete šehida ili poginulog, umrlog, nestalog branioca, umrlog ratnog vojnog invalida, umrlog dobitnika ratnih priznanja i odlikovanja;*

*c) član porodice sa dva i više poginulih, umrlih, nestalih branioca i ratni vojni invalid sa 100% vojnog invaliditeta;*

*d) dobitnik ratnog priznanja i odlikovanja;*

*e) član porodice poginulog, umrlog, nestalog branioca i ratni vojni invalid s oštećenjem organizma od 90%, 80% i 70%;*

*f) ostali ratni vojni invalidi prema procentu invaliditeta;*

*g) demobilizirani branioc;*

*h) članovi uže porodice umrlog ratnog i mirnodopskog vojnog invalida, umrlog dobitnika ratnog priznanja i odlikovanja i umrlog demobiliziranog branioca i*

*i) članovi uže porodice ratnih vojnih invalida po procentu invaliditeta, dobitnika ratnih priznanja i odlikovanja i demobiliziranih branioca.*

*Lica iz člana 2. tačke 6., 7. i 9. u smislu ovog člana Zakona ostvaruju prednost bez obzira na godine života dok su u skladu sa propisima iz oblasti radnih odnosa sposobni za rad”.*

## **Član 22.**

U članu 65. stav 2. i članovima 66. i 67. riječi "člana 2." zamjenjuju se riječima "člana 1. i 2."

## **Član 23.**

U članu 68. dodaje se stav 2. koji glasi:

*„Uslove, način i kriterije za odobravanje bespovratnih novčanih sredstava za zapošljavanje i samozapošljavanje utvrđuje Ministar za boračka pitanja posebnim propisom, uz saglasnost Vlade Kantona“.*

## **Član 24.**

Iza člana 68. podtačka "9.1." i članovi od „69.- 83.a)“ se brišu.

## **Član 25.**

U članu 84. riječi u "člana.2." zamjenjuju se riječima „člana 1“

## **Član 26.**

U poglavlju II naziv tačka „11.“ mijenja se i glasi:

*„11. Prednost pri smještaju u penzionerske domove i gerontološke centre“*

## **Član 27.**

Član 85. mijenja se i glasi:

*„Ratni vojni invalidi, porodice šehida/poginulih boraca i demobilizirani branioci imaju prednost prilikom smještaja u sve javne ustanove koje se bave smještajem starih i iznemoglih osoba, a čiji je osnivač Federacija, kantoni, gradovi i općine, ukoliko nemaju članova porodice koji su po Porodičnom zakonu Federacije Bosne i Hercegovine, dužni da ih izdržavaju.*

*Lica iz predhodnog stava ovog člana, mogu ostvariti pravo na subvencioniranje troškova smještaja u penzionerske domove i gerontološke centre u visini do 50%.*

*Sredstva za subvencioniranje, obezbjedit će se u Budžetu Federacije za smještaj demobiliziranih branilaca u ustanove iz stava 1. ovog člana, u skladu sa mogućnostima, a sredstva za subvencioniranje troškova za smještaj ratnih vojnih invalida i porodica šehida/poginulih boraca obezbjedit će se u Budžetu Kantona u skladu sa mogućnostima“.*

## **Član 28.**

U članu 86. i 87. riječi „člana 2.“ zamjenjuju se riječima „člana 1.“



### **Član 29.**

U članu 87. dodaje se stav 2. i glasi:

*„Vlada Kantona će posebnim propisom utvrditi način i uslove za ostvarivanje prava iz predhodnog stava“.*

### **Član 30.**

Iza člana 87. podtačka „13.1.“ i članovi od „87.- 104.“ se brišu.

### **Član 31.**

U članu 105. riječi „člana 2.“ zamjenjuju se riječima „člana 1.“

### **Član 32.**

U članu 106. riječi „člana 2.“ zamjenjuje se riječima „člana 1.“

U članu 106. dodaje se stav 4. i glasi:

*„Uslove, način i kriterije dodjele sredstava za nabavku udžbenika utvrđuje Ministar za boračka pitanja posebnim Pravilnikom“.*

### **Član 33.**

Iza člana 106. podtačka „15.1.“ i članovi od „107.- 121.“ se brišu.

### **Član 34.**

U članovima 122. , 123., 124. i 125. riječi „člana 2.“ zamjenjuje se riječima „člana 1.“

U članu 125. dodaje se stav 5. i glasi:

*„Uslove, način i kriterije za ostvarivanje prava na jednokratnu bespovratnu dodjelu sredstva za rješavanje stambenih potreba na prijedlog Ministra za boračka pitanja donosi Vlada Kantona posebnim propisom“*

### **Član 35.**

Iza člana 125. podtačka „16.1.“ i članovi „126.- 144.“ se brišu.

### **Član 36.**

U članu 145. riječi „člana 2.“ zamjenjuje se riječima „člana 1.“

U članu 145. dodaje se stav 3. koji glasi:

*„Uslove, način i kriterije za ostvarivanje prava na participaciju troškova za priključak na infrastrukturne mreže utvrđuje Ministar, uz saglasnost Vlade Kantona posebnim Pravilnikom“.*

### **Član 37.**

Iza člana 145. podtačka „17.1. i članovi od „146.- 153.“ se brišu.

### **Član 38.**

U članu 159. riječi „člana 2“ zamjenjuju se riječima „člana 1.“

### **Član 39.**

U članu 160. dodaje se stav 2. i glasi:

*„Uslove, način i kriterije dodjele sredstava za održiv povratak utvrđuje Vlada Kantona posebnim propisom“.*

### **Član 40.**

Iza člana 160. podtačka „20.1.“ i članovi od „161.- 172.“ se brišu.

### **Član 41.**

U članu 173. riječi „člana 2“ zamjenjuju se riječima „člana 1“.

U članu 173. stav 5. iza riječi „visine“ broj „pet“ zamjenjuje se riječima „dvije i po“ ostali dio teksta ostaje isti.

### **Član 42.**

U članu 174. riječi „člana 2“ zamjenjuju se riječima „člana 1“.

U članu 174. dodaju se stavovi 2. i 3. koji glase:

*„Općine svojom Odlukom o građevinskom zemljištu mogu predvidjeti mogućnost oslobađanja lica iz člana 1. ovog Zakona od obaveze plaćanja naknade za dodjeljeno gradsko građevinsko zemljište i oslobađanja obaveze plaćanja naknade za pogodnost.*

*Uslove, način, postupak i kriterije za ostvarivanje prava participacije troškova naknade za dodijeljeno građevinsko zemljište na korištenje, naknade za uređenje gradskog građevinskog zemljišta i subvencioniranje troškova naknade za pogodnost utvrđuje Ministar, uz saglasnost Vlade Kantona posebnim Pravilnikom“.*

### **Član 43.**

Iza člana 174. podtačka „21.1.“ i članovi od „175.-185.“ se brišu.

### **Član 44.**

U članu 186. riječi „člana 2“ zamjenjuju se riječima „člana 1.“

U članu 187. dodaje se stav 5. i glasi:

*„Način, uslove i kriterije za ostvarivanje prava na besplatnu i povlaštenu vožnju utvrđuje Ministar, uz saglasnost Vlade Kantona posebnim Pravilnikom“.*

#### **Član 45.**

Iza člana 187. član “ 203.a)“ podtačka „22.1.“ i članovi od „188.-203.“ se brišu.

#### **Član 46.**

Član 204. mijenja se i glasi:

*„U slučaju smrti demobiliziranog branioca, ratnog vojnog invalida, člana porodice šehida-poginulog branioca, članovi porodice, odnosno lice koje je snosilo troškove sahrane-dženaze, ukoliko to pravo ne mogu ostvariti na osnovu federalnih propisa ili prema drugom osnovu imaju pravo na participaciju troškova dženaze-sahrane najmanje u visini jedne prosječne mjesečne neto plate isplaćene u Federaciji BiH prema podacima Zavoda za statistiku Federacije BiH.“*

*Lica iz predhodnog stava koja su ostvarila troškove sahrane-dženaze po osnovu smrti demobiliziranog branioca, ratnog vojnog invalida, člana porodice šehida-poginulog branioca, na osnovu federalnih propisa ili pak drugom osnovu, ukoliko u Budžetu ima sredstava za ove namjene mogu ostvariti pravo na subvencioniranje troškova u visini razlike isplaćenih sredstava po drugom osnovu i visine sredstava definisanih u stavu 1. ovog člana.*

*Uslove i način ostvarivanja prava na participaciju troškova dženaze-sahrane utvrđuje Ministar, uz saglasnost Vlade posebnim propisom“.*

#### **Član 47.**

Iza člana 204. podtačka „23.1.“ i članovi od „205.-209.“ se brišu.

#### **Član 48.**

Član 210. mijenja se i glasi:

*„Pravo na dodjelu jednokratne novčane pomoći u opravdanim slučajevima mogu ostvariti lica iz člana 1. i 2. ovog Zakona koja se nalaze u izuzetno teškim socijalno-ekonomskim uslovima, a ista zadovoljavaju opšte i posebne kriterije za dodjelu novčane pomoći, definisane posebnim propisom koji donosi Ministar, uz saglasnost Vlade Kantona“.*

#### **Član 49.**

Iza člana 210. članovi od „211.-215.“ podtačka „24.1.“, članovi od „216.-220.“ podtačka „24.2.“, članovi od „221.-223.“ podtačka „24.3.“ i članovi od „224.-226.“ se brišu.

## Član 50.

U članu 227. stav 3. Iza riječi „*rješenjem*“ dodaju se riječi „*a na osnovu posebnog propisa kojeg uz saglasnost Vlade Kantona donosi Ministarstvo*“, ostali dio teksta se briše.

U članu 227. stav 5. Iza riječi „*propisom*“ dodaju se riječi „*kojeg uz saglasnost Vlade Kantona donosi Ministarstvo*“

## Član 51.

Iza člana 227. podtačka „*25.1.*“ i članovi „*228.-248*“ se brišu.

## Član 52.

U članu 251. riječi lica iz „*člana 2.*“ zamjenjuje se riječima lica iz „*člana 1.i 2.*“

## Član 53.

Iza člana 252. podtačka „*28.1.*“ i članovi *od* „*253.-257.*“ se brišu,

Iza člana 252. dodaju se članovi „*252.a), 252.b), 252.c) i 252.d)*“ i glase:

### „*Član 252.a)*“

*Pod posebnim uslovima za ostvarivanje jednokratne novčane pomoći za druge potrebe smatraju se okolnosti koje podnosioca zahtjeva, s aspekta materijalno-socijalne situacije, dovode u otežavajući položaj, odnosno ugrožavaju normalan način života kao što su: (elementarne nepogode, saobraćajne nesreće, iznenadna smrt, maligna oboljenja ).*

*Pomoć u liječenju užih članova porodice pripadnika boračkih populacija koja ne mogu ostvariti pravo po drugom osnovu, a isti su oboljeli od teških malignih oboljenja i drugih teških bolesti, participacija troškova dženaze/sahrane uslijed smrti užih članova porodice ratnog vojnog invalida, demobiliziranog branioca, članova porodice šehida/poginulog branioca, pomoć u odlasku na ekskurziju djeci pripadnika boračkih populacija lošeg imovnog stanja, pomoć porodicama umrlih demobiliziranih boraca i ratnih vojnih invalida koje se nalaze u stanju socijalne potrebe, participacija naknade štete pripadnicima boračkih populacija uslijed pretrpjelih šteta napadom zvijeri/pasa lualica na poljoprivredne posjede i stoku, izgradnja i popravka puteva u mjestu stanovanja pripadnika boračkih populacija, pomoć šehidskim porodicama koje se nalaze u teškoj finansijskoj situaciji (roditelji šehida, djeca bez oba roditelja), nabavka materijala za dovod vode u naselju gdje žive pripadnici boračke populacije gdje nije instalirana gradska vodovodna mreža sa prirodnih izvorišta i ostale nepredvidive okolnosti u kojima je nužno pružanje pomoći braniocima i članovima njihovih porodica.*

*Predmetna pomoć može se dodijeliti za izmirenje poreskih obaveza u visini definisanoj Zakonom pri angažmanu fizičkih lica od strane udruženja boračkih populacija za izvršavanje određenih poslova i zadataka, pomoć pripadnicima boračkih populacija koje uslijed gašenja, likvidacije i stečaja preduzeća u kojem radi se nađu u izuzetno teškoj materijalno-socijalnoj situaciji, kao i druge okolnosti koje procjeni Ministar da podnosioca zahtjeva dovode u težak položaj.*

#### Član 252.b)

*Iznos sredstava po osnovu jednokratne novčane pomoći za druge potrebe ne može biti veći od jedne polovine prosječne netto plaće isplaćene u Federaciji BiH u predhodnoj godini.*

#### Član 252.c)

*Razmatrnje zahtjeva, provjera njihove formalne ispravnosti i davanje prijedloga za uvrštenje na jedinstvenu Odluku o dodjeli sredstava u skladu sa kriterijima koje propisuje Ministar vrši Komisija.*

*U Komisiju iz predhodnog stava ovog člana koju formira Ministar obavezno se imenuje jedan predstavnik Ministarstva koji je i predsjednik Komisije i jedan član iz reda boračkih populacija, a ostali članovi/član iz reda drugih organa.*

*Komisija se formira na vremenski period od dvije godine, a po isteku tog perioda Komisija prestaje sa obavljanjem zadatka za koje je imenovana, s tim da se može ponovno imenovati za još jedan period utvrđen ovim članom.*

#### Član 252.d)

*Komisija iz predhodnog člana obavezno se sastaje jednaput mjesečno, a po ukazanoj potrebi i dva puta pri čemu vrši razmatranje zahtjeva i sačinjava prijedlog Odluke o dodjeli sredstava koju upućuje uz izvještaj na dalji postupak Ministru.*

*Radi utvrđivanja vjerodostojnosti pojedinih činjenica i dokaza Komisija može vršiti uvid na licu mjesta ili na drugi način ispitati tačnost navoda u priloženoj dokumentaciji. Na osnovu Izvještaja Komisije, Ministar donosi Odluku o dodjeli sredstava.*

*Uslove, način i kriterije za ostvarivanje prava na novčanu pomoć za druge potrebe utvrđuje Ministar posebnim propisom».*

#### Član 54.

Iza člana 257. u poglavlju II naziv „tačke 29.“ mijenja se i glasi:

**„29. Novčana egzistencijalna naknada“**

#### Član 55.

Član 258. mijenja se i glasi:

*“Novčana egzistencijalna naknada u smislu ovog Zakona je mjesečna novčana naknada demobiliziranim braniocima koja se dodjeljuje pod uslovima, na način i u visini propisanim ovim Zakonom.*

*Pravo na novčanu egzistencijalnu naknadu može ostvariti demobilizirani branioac do navršavanja 57. godina života pod uslovom da je bio pripadnik Oružanih snaga najmanje godinu dana, da je prijavljen kao nezaposleno lice kod nadležne službe za zapošljavanje najmanje godinu dana prije podnošenja zahtjeva za ostvarivanje prava, ukoliko ima prebivalište/boravište na području Kantona i ako ostvaruje mjesečne prihode u iznosu manjem od 50% minimalne penzije isplaćene u Federaciji Bosne i Hercegovine za mjesec decembar 2018. godine”.*

Član 259. mijenja se i glasi:

*“Lice iz člana 258. dužno je dokazati ispunjavanje svih navedenih uslova za ostvarivanje ovog prava, a Ministarstvo će donijeti uputstvo o načinu, uslovima i dokumentaciji potrebnoj za ostvarivanje ovog prava”*

Član 260. mijenja se i glasi:

*“Visina iznosa mjesečne novčane egzistencijalne naknade utvrđuje se u iznosu od 5 KM po mjesecu provedenom u Oružanim snagama.*

*Iznos mjesečne novčane egzistencijalne naknade iz stava 1. ovog člana može biti i niži uz primjenu koeficijenta za obračun koji utvrđuje Vlada Kantona.*

*Koeficijent za obračun iz predhodnog stava Vlada Kantona utvrđuje, najmanje jedanput u toku jedne godine”.*

Član 261. mijenja se i glasi:

*“Pravo na novčanu egzistencijalnu naknadu pripada licima koji ispunjavaju uslove za priznavanje ovog prava od prvog narednog mjeseca od dana podnošenja zahtjeva.*

*Pravo na novčanu egzistencijalnu naknadu prestaje:*

*a) smrću korisnika,*

*b) zasnivanjem radnog odnosa, ostvarivanjem prava na penziju, prijavom samostalne djelatnosti ličnim radom, ostvarivanjem prava na mjesečnu naknadu po federalnom propisu, ostvarivanjem prihoda po osnovu izdavanja u zakup nekretnina, ukoliko po navedenom demobilizirani branioc ostvaruje mjesečne prihode u većem iznosu od 50% minimalne penzije isplaćene u Federaciji Bosne i Hercegovine za mjesec decembar 2018.godine.*

*Pravo na novčanu egzistencijalnu naknadu ne može se prenijeti na drugo lice.*

*Korisnik prava dužan je u roku od 15 dana od dana nastanka promjene prijaviti prvostepenom organu svaku promjenu koja utiče na prestanak prava, a prvostepeni organ će po službenoj dužnosti na osnovu prijave korisnika ili saznanja na drugi način o razlozima za prestanak prava, donijeti rješenje o prestanku prava”.*

Član 262. mijenja se i glasi:

*“Prvostepeni organ vodi kompletnu evidenciju o korisnicima prava, a Ministarstvo u okviru godišnjeg izvještaja o tome upoznaje Vladu Kantona”.*

Član 263. mijenja se i glasi

*“Lice kome je isplaćeno novčano primanje prema ovom Zakonu na koje nije imalo pravo, dužno je vratiti primljeni iznos.*

*Za nepravilne isplate koje su nastale kao greška organa koji je vodio postupak, nepravilno isplaćena sredstva nadoknađuje organ koji je učinio grešku i odgovarajući iznos doznačava na račun Budžeta Kantona”.*

## **Član 56.**

Član 264 se briše:

## **Član 57.**

U članu 267. stav 2. mijenja se i glasi:

*„Uslove, način, postupak i kriterije za raspodjelu sredstava na ime podrške boračkim udruženjima za projekte koji doprinose poboljšanju statusa boračkih populacija propisuje Ministar, uz saglasnost Vlade posebnim Pravilnikom, a Odluku o visini i odobravanju sredstava za realizaciju prava iz predhodnog stava na prijedlog Ministra utvrđuje Vlada Kantona“.*

## **Član 58.**

Iza člana 267. podtačka „29. 1.“ i član „268.“ se brišu.

## **Član 59.**

U članu 269. stav 1. u posljednjem redu riječi „*Osnovno obezbjeđenje*“ zamjenjuju se riječima „*Novčana egzistencijalna naknada*“.

## **Član 60.**

U članu 270. stav 1. iza riječi „*Zakona*“ dodaju se riječi „*prednost pri smještaju u penzionerske domove i gerontološke centre*“, ostali dio teksta se nastavlja.

U članu 270. stav 3. riječi „*Pravo na novčanu naknadu za vrijeme nezaposlenosti* „ i riječi „*te ostvarivanje penzije pod povoljnim uslovima* „ se brišu, ostali dio teksta se nastavlja.

## **Član 61.**

Član 272. se briše

## **Član 62.**

U članu 285. riječi „*člana 2.*“ zamjenjuju se riječima „*člana 1.*“

U članu 285. u posljednjem redu iza broja 25. veznik „*i*“ se briše i zamjenjuje „*zarezmom*“, a iza broja 27. dodaje broj „*i 29*“

## **Član 63.**

Ovaj Zakon stupa na snagu osmog dana od dana objavljivanja u „*Službenim novinama Bosansko-podrinjskog kantona Goražde*“.

**PREDSJEDAVAJUĆA SKUPŠTINE**

Edita Velić, s.r.